

Broj: 01/01-962/20-2025
Sarajevo, 22.07.2025. godine

Na osnovu člana 72. stav (3) tačka c) Zakona o javnim nabavkama („Sl. glasnik BiH“, broj: 39/14,59/22 i 50/24), na preporuku Komisije za provođenje postupka javne nabavke broj: 01/01-962/19-2025 od 22.07.2025. godine za nabavku: Nabavka i ugradnja unutrašnje stolarije, Dekan Univerziteta u Sarajevu- Prirodno-matematičkog fakulteta donio je

O D L U K U

o dodjeli ugovora drugorangiranom ponuđaču

Član 1.

Poništava se Odluka o izboru najpovoljnijeg ponuđača i dodjeli Ugovora broj: 01/01-962/11-2025 od 02.07.2025. godine, kojom se ugovor za predmet nabavke: *Nabavka i ugradnja unutrašnje stolarije* dodjelio ponuđaču **Mega-Roll d.o.o. Gračanica, iz razloga što je ponuđač Mega-Roll d.o.o. pismeno odbio dodjelu Ugovora.**

Član 2.

Prihvata se Preporuka Komisije za provođenje postupka javne nabavke broj: 01/01-962/19-2025 od 22.07.2025. godine i ugovor za nabavku radova: *Nabavka i ugradnja unutrašnje stolarije* dodjeljuje se drugorangiranom ponuđaču **HDI d.o.o. Sarajevo, čija ukupna cijena ponude nakon provedene E-aukcije iznosi **89.999,99 KM bez PDV-a** iz razloga što je ponuda navedenog ponuđača po rang listi odmah nakon najpovoljnijeg ponuđača **Mega- Roll d.o.o. Gračanica**.**

Član 3.

Drugorangirani ponuđač dužan je u roku od **5 (pet) dana** od dana zaprimanja ove Odluke, na adresu Univerzitet u Sarajevu - Prirodno-matematički fakultet, Zmaja od Bosne 33-35, 71000 Sarajevo dostaviti originale ili ovjerene kopije dokaza traženih tačkom 7. Tenderske dokumentacije, ne starije od 3 (tri) mjeseca od dana predaje ponude, računajući od dana dostavljanja ponude.

Član 4.

Ova odluka objavit će se na web-stranici www.pmf.unsa.ba u skladu sa članom 70. stav (6) Zakona o javnim nabavkama BiH.

Član 5.

Ova Odluka stupa na snagu danom donošenja.

Obrazloženje

Nakon provedenog otvorenog postupka za nabavku radova: *Nabavka i ugradnja unutrašnje stolarije* Komisija za provođenje postupka nabavke sačinila je početnu rang listu ponuđača koji su pozvani da učestvuju u E-aukciji, a nakon završetka E-aukcije iz *Izvještaja o toku i završetku E-aukcije* vidljiva je konačna rang lista ponuđača:

R.br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1	MEGA-ROLL DOO	4210274640005	89900,00	40,03% **	1
2	HDI D.O.O. SARAJEVO	4201229940007	89999,99	40% **	2
3	ŽALUZINE STYLE D.O.O	4218635210001	113900,00	24,07% **	3
4	EDELSTHAL-PROKROM	4200193280009	114000,00	24% **	4
5	TENNECO ING D.O.O	4236734100003	122489,00	18,34% **	5
6	UGARAK-PRODUKT D.O.O	4218241270009	122490,00	17,83% **	6
7	"VIZIJA" DOO VISOKO	4218109670006	136000,00	9,33% **	7
8	YAVUZ COMPANY D.O.O.	4209709440005	137798,00	8,13% **	8
9	FADŽ-COMPANY D.O.O	4200359780005	148188,20	1,2% **	9
10	GD KONSTRUKCIJE D.O.O.	4227007660005	149840,88	0%	10
11	"NIWEX" D.O.O. DERVENTA	4400141010002	150000,00	0%	11

Na preporuku Komisije broj: 01/01-962/10-2025 od 30.06.2025. godine donesena je Odluka o izboru najpovoljnijeg ponuđača i dodjeli ugovora ponuđaču **Mega-Roll d.o.o. Gračanica** za nabavku: *Nabavka i ugradnja unutrašnje stolarije.*

Članom 2. navedene Odluke izabrani ponuđač dužan je bio na adresu Univerziteta u Sarajevu - Prirodno-matematičkog fakulteta, Zmaja od Bosne 33-35, Sarajevo u roku od 5 (pet) dana od dana zaprimanja Odluke, dostaviti original ili ovjerene kopije dokaza traženih tačkom 7. Tenderske dokumentacije, ne starije od 3 (tri) mjeseca od dana predaje ponude, računajući od dana dostavljanja ponude.

Uvidom u dokumentaciju predmetnog postupka Komisija je utvrdila slijedeće:

- Odluka o izboru najpovoljnijeg ponuđača broj: 01/01-962/11-2025 donesena 02.07.2025. godine i ista je putem email-a prosljeđena svim ponuđačima koji su blagovremeno dostavili ponude;
- Izabrani ponuđač Mega-Roll d.o.o. je dana 04.07.2025. godine dostavio dokaze tražene tačkom 7. Tenderske dokumentacije;
- *Izabrani ponuđač Mega-Roll d.o.o. Gračanica je dana 22.07.2025. godine poslao dopis broj: 01/01-962/18-2025 kojim se izjašnjava da odustaje od predmetne nabavke, odnosno u pisanoj formi je odbio dodjelu Ugovora.*

S obzirom da je prvorangirani ponuđač **Mega-Roll d.o.o. Gračanica** pismeno odbio dodjelu Ugovora Komisija za provođenje postupka nabavke predlaže da se, u skladu sa članom 72. stav (3) tačka c) Zakona o javnim nabavkama Bosne i Hercegovine u kojem se navodi: „Ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač c) u pisanoj formi odbije dodjelu ugovora“, donese Odluka o dodjeli ugovora drugorangiranom ponuđaču **HDI d.o.o. Sarajevo** za nabavku: *Nabavka i ugradnja unutrašnje stolarije.*

Uzimajući u obzir naprijed navedeno, primjenom člana 72. stav (3) tačka c) Zakona o javnim nabavkama, prihvaćena je preporuka Komisije za javnu nabavku i odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.



Dostaviti:

- Ponudračima
- Dosije nabavki
- a/a

Akt pripremila: Adna Šišić, stručni saradnik za projekte i javne nabavke

A handwritten signature in blue ink, likely belonging to Adna Šišić, is written over the text of the previous block.